



KENYATAAN MEDIA **UNTUK SIARAN SEGERA**

BELANJAWAN 2021 BERI MANFAAT KEPADA PENDEPOSIT SSPN

1. **Perbadanan Tabung Pendidikan Tinggi Nasional (PTPTN)** merakamkan ucapan **penghargaan dan terima kasih** kepada **YAB Tan Sri Muhyiddin Yassin, Perdana Menteri Malaysia** bagi inisiatif yang diberikan kepada **pendeposit Skim Simpanan Pendidikan Nasional (SSPN)** dalam **Belanjawan 2021**.
2. **Belanjawan 2021** yang dibentangkan oleh **YB Senator Tengku Dato' Sri Zafrul Tengku Abdul Aziz, Menteri Kewangan Malaysia** pada 6 November 2020 (Jumaat) telah mengumumkan **pelepasan cukai sehingga RM8,000.00 setahun bagi simpanan bersih dalam SSPN dilanjutkan sehingga tahun taksiran 2022**. Insentif yang diumumkan ini adalah cadangan daripada PTPTN untuk memberi galakan kepada ibu bapa agar terus membuat simpanan bagi tujuan pendidikan tinggi anak-anak mereka.
3. PTPTN menyeru agar **rakyat Malaysia terus menjadikan SSPN sebagai pilihan utama** untuk membuat simpanan bagi tujuan **pendidikan tinggi** selaras dengan **usaha Kerajaan memberikan manfaat penabungan melalui insentif Belanjawan 2021** ini. Sesungguhnya, **rakyat Malaysia amat bertuah** kerana mempunyai **Kerajaan yang amat prihatin** dalam menyediakan keperluan rakyat terutamanya dari **aspek kewangan bagi persediaan anak-anak** untuk **meneruskan pengajian** ke peringkat yang lebih tinggi demi **masa depan yang lebih cemerlang**.